

## 1 PETRUS

### Petrusnge waje ambonga kuyarna

Petrus nu waje te Kristus tuku kuasmbi ma tugu njakmba mbolnge mine likinaig ta tuku kuyarna. Ait ta mbolnge nane sungomba piti yeki yeki sugokanu kanjerkinaig tukunu nu nane piti sinamnge bike ndaka sangri tingywaiga nga waje te kuyarna.

<sup>1</sup> Kuate tuku mbal tane rawe tango tanañ Pontus Galesia Kapadosia Asia Bitinia ma tugu ta njakmba mbolnge mine likade tane njakmba kaiye. Ye Petrus Yesus Kristus tuku aposel tane ndoñ pasatam prowet. <sup>2</sup> Tane Tukul Guwa tumba Kuate tuku mbal mayok ka Yesus Kristus tuku pasa dubika nuñe ndare mbolnge purferñu mayok kambim tuku Kuate nu o buk tane maditingina.

Kuate nu lato-latomba tane ake sinañ make patika ngamunggal mukuk wamdus bul sertingyuwa. Son.

*Sine abo njak minmba minam tuku minde mineg*

<sup>3</sup> Sungo Yesus Kristus tuku Mam Kuate sine nu tuku nyu te-dungube. Yesus Kristus nu kumna le nu te-tina le abonga tingina wam ta mbolnge Mam Kuate nu sine sungomba mapeka kitek kile-mayokkina le kile minmba nu tuku wam magenu minde mineg. <sup>4</sup> Kuate nu samba mbolnge sine kilam tuku madisingina wam mayenu ta kutur kugatok. Menge nda. Mayenu minmba minamngat. <sup>5</sup> Sine Kuate nu kumuñ ngeg mbal nu nuñe sangrimbi sine kulatka minwa le ma ma kugawam tuku ait mbolnge muskil kile-tidinge singamngat.

<sup>6</sup> Tane kile ait fagnu piti yimyam kamusde ta muskil kile-tidinge tingam tuku wam ta idusmba gare-gareka minap. <sup>7</sup> Nane agañ afu gol kanjeranu suk ta kilmba

siŋka gol e ŋga katesewam tuku pasokade. Taŋamba ndo taŋgine ŋgamuŋgal son ta katesewam tuku piti yimyam pa taŋaŋ tane pasokade. Piti mbolŋge taŋgine ŋgamuŋgal son tugusek mayok kinit ta Kuate am mbolŋge suŋgokanu ŋgisikam tuku agaŋ gol ta lite. Tane ŋgamuŋgal son ŋak ta Yesus prowa sulumba tane tuku nyu kile-mayokkuwa le tane nyu ŋak minmba minamŋgaig.

<sup>8-9</sup> Tane Yesus kaŋger ndanaig ta tane nu tuku kume purmba minig. Tane nu kaŋger ndade ta tane nu tuku saŋgri tomba tiŋgade. Tane taŋade le Kuate nu tane tuku muskil kile-tidinge tiŋgit le taŋgine ŋgamuŋgal son tuku alonu tade. Ta mbolŋge taŋgine gare maŋau suŋgo ŋayote.

<sup>10</sup> Kuate nu ake sinaŋ sine make patika muskil kile-tidingate ta tuan taŋgo kame o buk ta tuku dir pasa saka katese mayewam tuku wamduŋmba minnaig. <sup>11</sup> Kristus tuku Guwaŋge tuan taŋgo kame tumningina le Kuateŋge madina taŋgo nu rar suŋgo tuwa sulumba nyu suŋgo pasa ŋak tamŋgat ta nane isnaig. Ismba nuŋe ait ginu prowamŋgat ko kilke te ndaŋndaŋmba minwa le nu prowamŋgat ŋga katesewam tuku sotinaig. <sup>12</sup> Sotinaig ta Kuate nu tuan taŋgo kame ta sanaŋgina: Taŋgine ŋgarosu turam tuku piro ndakade. O ŋgumneŋga mbal afu tuku tane pirokade ŋga sanaŋgina. Mbal ta tane. Kuate nu samba mbolŋge Tukul Guwa kukulna le ndekina le nane afu nu tuku saŋgri mbolŋge Kristus tuku pasa mayenu tiŋginaig. Wam kame tane isnaig ta eŋel kameŋge katesewam tuku wamduŋ suŋgo ŋak minig.

*Kuate nu sine mine mayebe ŋga wikina*

<sup>13</sup> Tane wamduŋ ndindo pilmba wamduŋ kuyar mayenu ŋak likap. Kristus nu prowa le Kuate nu tane make patikamŋgat wam ta idusmba minap. <sup>14</sup> Tane o buk Kuate

gilai minmba tangine nzali ngaigonu dubikinaig ta kile kusrekap. Tane kiyo kame magenu tanga Kuate kum-nemnge minap. <sup>15</sup> Kuate nu tane nuje kiyo kame minam tuku wikina ta nu purfeñnu tukunu tane nu tuku wam te-purmba tangine mine mbolnge purfeñnu minap. <sup>16</sup> Kuate tuku kuyar pasa tejenmba sakate. Ye purfeñnu minet tangamba ndo tane yiye mbal purfeñnu minap ngate.

<sup>17</sup> Tane Kuate nu singine Mam ngade ta nu sine tango ñakmba tuku mangau kumumbi pilesingit. Ta tuku tane rironka kilke te mbolnge minmba nu kumnemnge minap. <sup>18</sup> Tangine mbuñ kat tangine tuku mangau alo kugatok dubika minnaig le ta ngamuknge Kuate nu tane tuku muskil kile-tidinge tingina ta gol le silwa ngisikam tuku agañ tambi nu tane piya ndatingina. <sup>19</sup> Nu Kristus tuku ndare tambi tane tuku muskil kile-tidinge tingina. Nane sipsip fatnu mayenu balemba Kuate atraukade tanga Kristus nu purfeñnu minmba nuje ngarusu kumam tuku pilna. <sup>20</sup> Kuate nu agañ ndende nda kile-mayokkina sulumba nu Kristus piro ta kam tuku nu madina. Kile kugawam tuku ait te mbolnge tane turkam tuku mayok kina. <sup>21</sup> Tane nu mbolnge Kuate tuku sangri tomba tingade. Kristus nu kumna le Kuate nu te-timba nyu surgo tuna wam ta tuku tane Kuate nu kumuñ nga nu tairnga minig.

*Sine tira kame ngamungal niñbe*

<sup>22</sup> Tane Kuate tuku pasa tugusek dubide ta tangine mine magenu mbolnge minmba mingembi ndo sa ndaka tangine ngarosumbi turmba tangine tira kame tuku kume purde. Ta tuku tane kile tangine ngarusu ñakmbambi tangine tangine mungu kume purkam tuku wamdus sangrinu palpe. <sup>23</sup> Tane kiyo dabro kitek tanga mang mayok kinaig. Tanga tuku mangau dubimba ina sinamnge mayok nda kinaig. Abo ta ngisikam tuku. Tane Kuate tuku

pasa minmba minam tuku ta tinaig sulumba kitek mayok kinaig. <sup>24</sup> Kuate tuku kuyar pasa tejenmba sakate.

Kilke mbol mbal anga tañan minig.

Nangine mindepiye anga botnu tañan.

Anga ta tugunu lamba botnu supika ndekate.

<sup>25</sup> Sungo tuku pasa tañawe nda.

Nu minmba minamngat ngate.

*Aisaia 40.6-8*

Nane afu pasa mayenu tane tugumnge kuklinaig ta not.

## 2

<sup>1</sup> Tane mañau ñaigonu ñakmba kusreka wam afu yabri ndakap. Tañgine yabri mañau yabuka sine tiñreknu mineg nga sa ndakap. Afu tuku mine magenu tuku wamduş kagli fir ndakap. Afu tuku ngumnem pasa sa ndakap. <sup>2-3</sup> Tane buk Kuate tuku ranğun mayenu katesenaig. Ta tuku kiño dabro amo nyam paraniñgit tañan tane Kuate tuku pasa tugusek tam tuku paratiñguwa. Tane tañamba nyumba minap ma ma sugo-sugowap le muskil kile-tidiñge tiñgamngat.

### *Ndame mayenu abo ñak*

<sup>4</sup> Ndame ande tañgo kameñge gisleknu nga te-sinaig ta Kuate nu ndame ta madimba nu ndame sungo ngina ta Kristus. Ndame ta abo ñak. Tane nu tugum prowap.

<sup>5</sup> Promba ndame abo ñak tañan minmba Kuate tuku wande palmbim tuku tañgine ngarosu patikap. Tañawap sulumba tane Kuate tuku pris tañan mayok ka tañgine mañau magenumbi Kuate atraukanu sukamngaig. Tane Yesus Kristus ndon ulendikade le Kuate nu tane tuku atrau agañ ta nzalite. <sup>6</sup> Kuyar pasa tejenmba sakate.

Ye ndame sungo madimba tumba Sion tumbrañ tuku ndame ñakmba nu mbolñge sanñri tiñgam tuku palmbimngit. Ande nu ndame ta tuku sanñri

tomba tinguwa ta nu tumail pulunungat ngate.  
*Aisaia 28.16*

<sup>7</sup> Tane ndame ta tuku sangri tomba tingade mbal nu tane am mbolnge ndame sungokanu. Nane nu talade mbal Kuate tuku kuyar pasa tejenmba nane tuku sakate.

Ndame ande ndame wande pilig mbal gisleknu nga te-sinaig. Ndame ta kile wande ta tuku ndame njakmba nu mbolnge sangri tingade ngate. *Mune 118.22*

<sup>8</sup> Kuyar pasa ande tejenmba sakate.

Tango kame ndame ta mbolnge kupe dannga mbikeka barinungaig nga sakate. *Aisaia 8.14-15*

Kuate nu o buk sakina tanjamba ndo nu tuku pasa nda isanu sukmba ngumnede mbal nane baringade ta <sup>9</sup> tane tanjamba kuga. Tane Kuatenge maditingina. Tane nu tuku kuasmbi ndindo minig. Tane Sungo Kuate tuku pris mbal. Tane nu tuku mbal mayok ka nu tuku tur manjau mayenu afu saningam tuku nu ma make sinamnge tane wika kilmba nuje bulu mayenu mbolnge patikina. <sup>10</sup> Tane buk nyu kugatok mbal minnaig. Kile tane Kuate tuku mbal nyu njak minig. Kuate nu buk tane mape ndakina. Kile nu tane mapekate.

### *Wam pagu pasa yeki yeki*

<sup>11</sup> Tira kame, tane samba mbolok mbal mayok ka kile tenge rawe tango tanjaj minig. Tane ngarusu kikonj tingam tuku nzali njakmba ngumneningap. Ngarosu tuku nzalinge tangine kanu njaigo siglikate. <sup>12</sup> Tane Kuate dubi ndade mbal ngamuknge mine mayenu mbolnge minap. Tane tanjwap ta nane tane wam njaigonu kanu nga ngumnem pasa tinguwaig sulumba tane tuku mine mayenu kanjeramngaig. Kanjerwaig le Kuate nu nane tugum prowa le nane Kuate tuku nyu te-dungamngaig.

<sup>13</sup> Kilke mbol mbal nangine sugo yimyam patikade ta tane Kuate tuku mbal tukunu mañau mayenu temayokmba nane kumnemñge minap. <sup>14</sup> Kilke tuku gabat sunjo ko gabat foñfoñ nu tuku nyu mbolñge pirokade nane ñakmba kumnemñge minap. Gabat foñfoñ nane mbarde mbal lafu ñayonu niñmba wam mayede mbal nyu kile-dungam tuku nu patikate le nane piro ta kade. <sup>15</sup> Tane mañau tiñreknu kumba tambi nane wamdus tugusek kugatok mbal tuku miñge tukulniñgam tuku Kuate nu nzalite. <sup>16</sup> Kuate nu tane muskil kile-tidinge tingit mbal tane tukul tuku piti kugatok tañañ likap. Sine tukul pasa kumnemñge mine ndakeg nga wam ñaigonu afu kam tuku idus ndawap. Tane Kuate kumnemñge minmba nu tuku piro mbal minap. <sup>17</sup> Tane tañgo ñakmba idusniñmba ande maim maim tuwe ndakap. Tane Kristus tuku kuasmbi tuku kume purmba Kuate kumnemñge minmba nu tuku nyu kuraukap sulumba sisar tuku nyu idusap.

<sup>18</sup> Piro mbal, tane tañgine kulat mbal tuku nyu idusniñmba nane kumnemñge minap. Kulat mbal ranjun magenu ta ndo kuga. Miñge sangrinumbi tane kulatkade mbal mata kumnemñge minap. <sup>19</sup> Tane mbar ndade le afu ake sinañ tane kattiñgig le sine Kuate tuku mbal nga wamdus piti kugatok rar kurade ta tane wam mayede. <sup>20</sup> Tane mbarde le afuñge kattiñgig le tane wamdus piti kugatok rar kurade ta alo kugatok. Tane mañau tiñreknu kade le kattiñgig le tane ndek wamdus piti kugatok rar kurade ta Kuate nu nzalite.

<sup>21</sup> Tane wamdus piti kugatok piti kurawam tuku Kuate nu tane wikina. Kristus nu sinenu nga rar sunjo tina sulumba piti mbolñge sine nu tuku mañau dubiwam tuku tumsingina. <sup>22</sup> Nu mbar ande ke ndakina. Yabri pasa ande mata sa ndakina. <sup>23</sup> Nane afuñge nu tumail pannaig ta nu lafumba nane tumail pan ndaniñgina. Nane nu

ngaro rar sungo tunaig ta nu lafumba rironj pasa ande sa ndaningina. Kuate nu tanjo kumumbi pileningit nga nu wam ta njakmba nu wai mbolnje patikina. <sup>24</sup> Singine manjau njagonu kusreka mine kitek mayenu mbolnje minbe nga nu sine tuku une kilmba ail kazrai mbolnje kumna. Nu tuku mbamake tanje sine tuku muskil kile-tidinge singina le sine mage mineg. <sup>25</sup> Sine sipsip tanjan ndin mbarmba njgisika mingenj ta kile Sipsip Kulat Tanjo tugusek tugum proweg le nu sine tuku kanu kulatkate.

### 3

#### *Pino le tanjo tuku pasa*

<sup>1</sup> Pino kame, tane tanjine tanjo kat tanjine tuku minje kumnemnje minap. Tane tanjamba minmba tanjine tanjo afu Kuate tuku pasa dubi ndakade ta tane pasa ande sa ndamba tanjine njgan manjau tambi nane Kuate dubiwam tuku didikamnjaig. <sup>2</sup> Tane alej alej ndaka Kuate kumnemnje minmba katesek manjau njak minap le tanjine tanjo kat tanjine nane manjau ta kanjermba Kuate dubiwam tuku iduswaig.

<sup>3</sup> Tane gabat waje mara mara parej latomba mindepiymba tawi magenu tinmba tanjamba ngarosu tuku mindepiye sungomba idus ndawap. <sup>4</sup> Tane njgamungal tuku mindepiye wamdus bafuknu njgan manjau kile-mayokkap. Manjau ta kugawe nda. Minmba minamngat. Kuate am mbolnje sungokanu. <sup>5</sup> O buk pino kame Kuate dubimba nu minde minnaig mbal nane tanjamba njgamungal tuku mindepiye njak minmba nanjine tanjo kat nanjine kumnemnje minnaig. <sup>6</sup> Tane Sara tuku manjau kanjerap. Nu Abraham kumnemnje minmba yiye gabat nga minna. Pino kame, tane wam ande tuku kuru kuru ndaka manjau tinjeknu ndo kap ta tane Sara tuku kulim kame minig.

<sup>7</sup> Tanjo kame, tane mata rangun mayenu njak tangine pino kame ndoŋ minap. Nane tane tuku sanjri kumuŋ kuga tukunu nane kulat magekap. Kuate nu tale arneŋ ake sinaŋ make patikina le tale kumu kumu abo kitek tinaik. Ta tuku tane tanjine pino kame kulat magekap. Kuate nu tane tuku yabaŋ pasa ise ndakikat.

*Sine ngamunggal ulendi njak minbe*

<sup>8</sup> Ye wam pagu afu satinjamngit. Tane njakmba wamdus ndindo tap. Piti mungu turturkap. Tangine tangine kume purkap. Tangine nyu kile-mayok ndakap. Tane muŋgu sinakap. <sup>9</sup> Nane afu tane mbolŋge wam njaigonu kuwaig kande tane lafumba wam njaigonu ke ndakap. Ko nane afu tane tumail pantinguwaig kande tane lafumba tumail pan ndaningap. Kuga. Tane lafumba nyaro mayenu ningap. Kuate nu tane wikina ta tane nyaro mayenu kilam tuku wikina. <sup>10</sup> Kuate tuku kuyar pasa tejenmba sakate.

Ande nu nuje mine njakmba mbolŋge gare minam idusmba kande nu pasa njonu ko yabri pasa ande sa ndakuwa.

<sup>11</sup> Nu maŋau njaigonu kusreka wam magenu kumba minwa.

Nu nane njakmba ndoŋ ngamunggal mukuknu minam tuku wamdus sanjrinu pilwa.

<sup>12</sup> Kuate nu tanjo tinjeknu kulatkate.

Nu nane tuku yabaŋ pasa isit.

Nu wam njaigonu kade mbal tuku njeueu minit. *Mune*

*34.12-16*

Kuate tuku pasa tanjamba sakate.

*Sine maŋau tinjeknu tuku rar tam kumuŋ*

<sup>13</sup> Tane wam magenu kam tuku wamdus sanjrinu palpe ta ande nu tane kilmba njaigo siglike nda. <sup>14</sup> Ko afunje tane maŋau magenu kap le kilmba rar tinjguwaig kande



## 1 PETRUS 3:15      9      1 PETRUS 3:22

tajaig. Kuate nu tane mbolŋge wam magenu kamŋgat. Tane taŋgo tuku wam idusmba kuru kuru ndakap. <sup>15</sup> Tane Kristus nu sine tuku Sunŋo ŋga nu kumnemŋge minap. Ande nu ndaŋam tane Kristus minde minig ŋga kusnatinguwa ndeta tane lafuwam ŋga nu idusmba pasa mukuk sawap. <sup>16</sup> Tane Kuate am mbolŋge mbar tuku piti kugatok minap. Tane taŋamba Kristus ndoŋ ulendika mine mayenu mbolŋge minig le afuŋge tane ŋgumnem pasa tiŋgig ta ŋgumnem pasa ta luka naŋgine kiko tuwaig. <sup>17</sup> Kuate nu nzaliwa le afuŋge tane maŋau tiŋreknu tuku rar tiŋguwaig kande maye. Tane mbarde ta tuku afuŋge rar tiŋguwaig ta ŋayo.

### *Kristus nu taŋgo tuku une saukam tuku kumna*

<sup>18</sup> Kristus mata mbar ndamba purfeŋnu minmba sine une ŋak mbal tuku kumna. Nu sine kilmba Kuate tugum prowam tuku taŋana. Nane nu tuku ŋgarosu balenaig ta nu nuŋe kanu mbolŋge abo ŋak mayok kina. <sup>19</sup> Nuŋe kanu kumba ka kanu afu muliŋ kilmba ndalekanu ma mbolŋge minnaig ta pasa niŋgina. <sup>20</sup> Muliŋ kilanu mbal ta nane Noa tuku ait mbolŋge nu waŋ kusmba minna le Kuate nu ŋgan minmba nane tairtairŋgina ta kuga. Nane nu tuku pasa ise ndakinaig. Taŋanaig le nane 8 ndo waŋ ta poŋginaig. Poŋginaig le kule taŋge waŋ tumba te-faitmba nane tuku muskil kile-tidiŋgina.

<sup>21</sup> Kule pisne maŋau wam ndui ta ndo tane tuku muskil kile-tidiŋge tiŋgit. ŋgarosu tuku kutur saukate le wam ta mbolŋge kuga. Kuate nu Yesus te-tina le tiŋgina tane wam ta tuku saŋgri tomba tiŋga taŋgine mbar tuku piti saukam tuku Kuate yabaŋmba kule pisne tade le muskil kile-tidiŋge tiŋgit. <sup>22</sup> Yesus nu tiŋgina sulumba samba mbol kumba kile nu Kuate tuku ndinam kumamŋge nyu

sunjo ḡak minit le eḡel kame guwa kise kise sanḡri ḡak ta ḡakmba nu kumnemḡe minig.

## 4

### *Sine Kristus tuku mbal rar tamḡig*

<sup>1</sup> Kristus nu ḡgarosu ḡak minmba nu rar sunjo tina. Tane mata wamdus ndui ta ḡak minap. Ande nu une maḡau te-ibeam tuku ḡgarosu rar tate ta nu une maḡau kusrekate. <sup>2</sup> Ta tuku tane kilke te mbolḡe minmba ḡgarosu tuku nzali ḡakmba tidonḡa Kuate tuku nzali kumnemḡe minap.

<sup>3</sup> Tane buk kiko kugatok ḡgarosu tuku nzali ḡgail ndaka une maḡau kam tuku wamdus sanḡrinu pilnaig. Tane kule kamenu sunḡomba nyumba afu ndoḡ maḡurka isukusmba maim-maimkinaig. Tane yabri mbara dubika mbar sugo fare fare ke likinaig. Kuate dubi ndade mbal maḡau nzaliningit ta tane buk ke kumunaig.

<sup>4</sup> Kile tane nane ndoḡ maim maim sugo kile-mayokka wam ḡaigonu ndui ta kam tuku ulendi ndakade le nane tane tuku piriri ḡayomba ḡgumnem pasa tiḡig.

<sup>5</sup> Kuate nu abo minig mbal kumanu mbal pileningam tuku minit ta nane nu tugumḡe naḡine mbar kile-mayokkuwaig le nu pileningamḡat. <sup>6</sup> Kumanu mbal mata pasa mayenu isnaig. Nane une tuku lafunu kuramba kume likinaig ta naḡine kanu Kuate taḡaḡ minmba minam tuku nane pasa mayenu isnaig.

### *Sine afu turniḡbe*

<sup>7</sup> Aḡaḡ ndende ḡakmba kugawam tuku ait buk patukate. Ta tuku taḡine ḡgarosu tuku nzali ḡakmba tidonḡa wamdus kuyar mayenu ḡak lika Kuate yabaḡmba minap. <sup>8</sup> Taḡine taḡine lato lato muḡgu kume purkap. Maḡau taḡe taḡine mbar gudommba saukate. <sup>9</sup> Taḡine

tangine wande munju ngailka ande gubra jak te ndakap. <sup>10</sup> Kuate nu ake sinaŋ sanŋri yimyam tingina ta tane kulat mageka tamba tangine tangine munju turkap.

<sup>11</sup> Ande nu pasa kukliwam kande Kuate tugumŋge tumba kukliwa. Ande nu afu turningam kande nu Ku- atenge sanŋri tuwit tamba nane turkuwa. Tane taŋamba kap ta wam jakmba mbolŋge Yesus Kristus tuku sanŋri mayok kuwa le Kuate tuku nyu afuŋge te-dungamŋgaig. Nu nuŋe nyu kilŋa sanŋri jak minmba minwa. Son.

<sup>12</sup> Tira kame, piti sugo tane tagotingam tuku pa taŋaŋ tane pasokade ta tuku tane piriri ŋayo ndawap. Kristus tuku mbal piti kurawam tuku mineg ta sine kila. <sup>13</sup> Tane Kristus ndoŋ ulendika nu piti kamusna taŋamba piti afu kamusde ta tane gare-garekap. Kristus nu nyu suŋgo pasa jak mayok kuwa le tane nu ndoŋ gare suŋgo tamŋgaig. <sup>14</sup> Tane Kristus tuku kuasmbi tukunu afu tane tumail pantinguwaig kande tane gare-garekap. Kuate tuku Guwa mayenu tane ndoŋ minit tukunu nane taŋade.

<sup>15</sup> Tane ande bale ndawap. Agaŋ ande kuayar ndawap. Wam ŋaigonu ke ndakap. Taŋgo ande tuku wam mayenu kuer ndakap. Tane mbar taŋaŋ kumba rar kamusap ta kiko. <sup>16</sup> Tane Kristus tuku nyu jak minmba rar tumba kande tane nyu ta kikonu yube ndaŋgap. Tane Kristus tuku nyu jak minig tukunu Kuate tuku nyu te-dungap. <sup>17</sup> Kile Kuate nu tugu pilmba sine nuŋe mbal pilesingit ta nu tuku pasa mayenu pitaide mbal nu nane pileniŋmba ame piti ningamŋgat. <sup>18</sup> Kuyar pasa ande tejenmba sakate.

Taŋgo magenu nane muskil kile-tidingam tuku maŋaunŋge liningam ndafloningit.

Ata. Kuate idus ndamba wam ŋaigonu kade mbal ta sirŋka ŋgisikamŋgaig ŋgate. *Sindaun 11.31*

<sup>19</sup> Kuate nu nuje nzali dubiwa le afunje rar tinguiwaig kande tangine ngarusu Kuate wai mbolnje pilmba manau tinjeknu ndo kumba minap. Kuate nu tane wakeikina ta nu tane kulatka kusreke nda.

## 5

### *Gabat mbal tuku wam pagu pasa*

<sup>1</sup> Tane gabat kame, ye mata gabat tango minet. Kristus nu rar sungo tina ta yije ammbi nu kanjeren. Nu nyu sungo kilja sangri jak mayok kuwa le ye nu ndon kilja sangri jak minamngit. Ye tane sarsartimba satimngit. <sup>2</sup> Kuate tuku sipsip tane ngamuknje mine likade ta tane kulat mageningap. Tangine piro ta kanyum ndamba gare jak biyap. Kuate tuku nzali ta tanjamba. Tane ndametij kilam tuku idusmba piro ndaka piro tuku wamdu sangrinu pilmba pirokap. <sup>3</sup> Sipsip kame tane kumnemnje minig ta minje sangrimbi kulat ndakap. Tangine mine mayenu ta dubiwaig nga tumningap. <sup>4</sup> Tane tanjamba pirokap ta sipsip kulat tango tugusek nu mayok kuwa sulumba tane tuku nyu kile-mayokkuwa le nyu sugo jak minmba minamngaig.

<sup>5</sup> Tane mbanzo jakmba mage mage kumnemnje minap. Tane Kuate tuku mbal jakmba nyu kile-ibenka munju turturkap. Kuyar pasa ande tejenmba sakate. Mbe mbolmbolkade mbal Kuate nu nane ndon ngueu minit. Nyu te-ibenmba minig mbal nu ake sinan nane make patikate ngate. *Sindaun 3.34*

<sup>6</sup> Ta tuku tane tangine nyu kile-ibenka Kuate tuku sangri kumnemnje minap. Tane tanjamba minap le manau ta ngamuknje Kuate nu tane tuku nyu kile-mayokka nyu sugo tinjamngat.

<sup>7</sup> Kuate nu tane idus tidinga kulatka minit tukunu tangine piti jakmba nu tuku wai mbolnje patikap. <sup>8</sup> Tane

wamodus kuyar mayenu njak kurauka likap. Tangine ngueu Satan nu laion tanañ nu gubanu njerjerka tane tuku ande balemba nyam tuku likate. <sup>9</sup> Tane son ngade pasa ta biye demba sangri tinga Satan tuku minge pitaimba ye mbulit nga samba minap. Tangine tira kame kilke yimyam mbolnge mine likade ta nane mata piti ndui ta ndo kanjerkade.

<sup>10</sup> Tane ait fagnu piti kamasap le Kuate nu ake sinañ tane make patikate nunge tane tuku piti ait mbilmba kumumbi tinreknu kile-mayokka sangri piletinguwa le tane sangri tingamngaig. Nunje kilña sungo ta minmba minamngat. Tane kilña ta mbolnge minap nga nu Kristus mbolnge tane wikina. <sup>11</sup> Nu sangri sungo njak minmba minwa. Son.

<sup>12</sup> Singine tira Silvanus nu Kristus tuku piro kumumbi biyit nga iduset. Nunge ye turyat le waje fudinndo te tane tuku wamodus bul sertingam tuku kuyaret. Wam mayenu tane mbolnge minit ta Kuate nu ake sinañ make patikate wam tugusek nga kuyaret. Tane nu tuku wam mayenu ta kusre ndawap.

<sup>13</sup> Yesus tuku kuasmbi Romnge minig ta tane kaiye pasa tingig. Kuate nu nane madiningina. Yiñe kiño Markus nu mata tane tuku kaiye pasa tingit. <sup>14</sup> Tane tangine tangine tira kame ndon kume pur manau alonu kile-mayokap. Tane Kristus tuku mbal njakmba ngamungal mukuk njak minap.

Son.

**KUATE TUKU PASA**  
**Portions of the Old Testament and The New Testament in the**  
**Siroi Language of Papua New Guinea**  
**Sampela hap Buk Baibel long tokples Siroi long Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 19 Oct 2021 from source files dated 17 Oct 2021

9d2e8659-afb4-5cca-93d8-23ebf89e1709